

argutè serrata, serraturis apiculatis margine denticulato-ciliolatis, penninervia, nervis promihulis, secundariis ad margines evanidis, membranacea, utrinque nisi subtùs ad nervos glaberrima, concolora, creberrimè glandulis resiniferis impressis punctata, suprema v. ramealia lineari-lanceolata, attenuata, apiculata; infernè marginibus denticulato-setosa, supernè integerrima ciliolata. CAPITULA ad ramulorum apicem solitaria, magnitudine ill. *Crupinæ vulgaris*, erecta. INVOLUCRUM polyphyllum, foliis imbricatis, ovatis tenuissimè puberulis, in aristam longam margine scabriusculam apice uncinatam desinentibus, pallidis v. ad aristæ basin fusco-notatis. RECEPTACULUM planum, paleaceum, paleis flosculi tubum æquantibus, linearibus, integris v. plus minusve fissis, acutis, inæqualibus, argenteis, infernè inter se coalitis. FLOSCULI dilutè purpurei, infundibuliformes, erecti, tubus infernè cylindraceus gradatim ad apicem ampliatus, glaber; limbis 5-fidis, laciniis linearibus, æqualibus, marginatis, rigidiusculis. STAMINA ad medium tubum inserta, flosculum vix superantia; filamenta supernè pilosa, filiformia; summo apice nodoso-incrassata, glabra; antheræ lineares, caudatæ, caudiculis membranaceis, subsimbriatis, appendiculo lineari, erecto, crassiusculo terminatæ. Discus epigynus prominens, umbilicatus, integer. OVARIIUM oblongum, glaberrimum, areolâ basilari instructum, membranâ crenulatâ fuscâ coronatum. PAPPUS paleaceus, paleis numerosis, extimis brevioribus, intimis longioribus, linearibus, omnibus scabridis, denticulatis, flavidis, flosculi tubum medium vix æquantibus, imâ basi inter se in anulum plus minusve connatis.

Floret ineunte Septembre circâ *Bombay*, in insulâ *Salsette*.

*Explicat. Tab. 106.*

- |   |   |
|---|---|
| 1. Capitulum verticaliter sectum ut receptaculi paleæ, flosculorumque insertio pateant. | 5. Pars superior ovarii exhibens marginem crenulatum, stylumque disco epigyno insidentem. |
| 2. Flosculus.   |   |
| 3. Stamen anticè visum.   | 6. Setæ infimæ pappi.   |
| 4. Pars superior styli stigmatosa.  |   |

---

PRENANTHES GLOMERATA, D<sup>nr</sup>. *Tab. 107.*

P. acaulis, foliis ovatis carnosis glabris, petiolis infernè dilatatis membranaceis ciliatis, capitulis glomeratis pedunculatis, pedunculis bracteolis linearibus setaccisve stipatis.

RADIX crassa, inferiùs parçè ramosa, inter saxorum rimas scrupulosque profundè descendens. RHIZOMA insigniter foliis squamiformibus membranaceis vestitum. FOLIA subterranea abortiva, petiolo membranaceo, lanceolato, venoso plerumque reducta, hinc et indè perfectiora interjecta; petiolo tereti, carnosio, desiccatione insigniter et transversè plicato; limbo ovato-spathulato, integro, reticulato-venoso v. sæpiùs subavenio, carnosio, glaberrimus, in petiolum complanatum infernè membranaceum album

trinervium, attenuato; folia suprema gradatim perfectiora, in rosulam quasi disposita. CAPITULA congesta, pedunculata; pedunculi axillares v. è foliorum congerie orti?, ramosi, glabri, teretes, foliolis linearibus v. lineari-setaceis, obtusis, supernè herbaceis, hispidulis, stipati. INVOLUCRUM cylindraceum, 5-phyllum, foliolis sæpiùs quincuncialibus, bracteo-  
lis lineari-setaceis basi stipatis, infernè coalitis, crassiusculis, oblongo-lanceolatis, obtusis, dorso pilis albis tectis. RECEPTACULUM angustissimum, nudum, 5-florum. FLOSCULUS (sup-  
petens unicus) ligulatus; tubo cylindraceo, glabro; limbo oblongo, 5-dentato, crassius-  
culo, 5-nervi, glabro. STAMINA medio tubo inserta; filamenta glabra, apice incrassata; antheræ lineares, basi caudatæ, caudis membranaceo-laceratis, brevibus, appendice ob-  
longo terminatæ. STYLUS stamineum tubum superans, apice bifidus, ramis arcuatis, ex-  
trorsum hispidulis. FRUCTUS oblongus, infernè subattenuatus, striatus; striis circiter 20,  
quarum 10 tenuioribus alternis, glaber, fulvus, disco epygino subnullo. PAPPUS setosus,  
setis numerosis, tenuibus, flosculi tubum vix superantibus, argenteis.

Fructum profert exeunte Julio, in schistosis mobilibus suprâ Ghauti, 3,800 met., et  
ineunte Augusto, trans Kioubrong-Ghauti (18,400 ped. ang.), 5,400 metr. circiter.

*Explicat. Tab. 107.*


- |                         |                                  |
|-------------------------|----------------------------------|
| 1. Flosculus.           | 4. Fructus, pappo ablato.        |
| 2. Stamen anticè visum. | 5. Fructus sectio transversalis. |
| 3. Styli pars superior. |                                  |

PRENANTHES VIOLEFOLIA. D<sup>n</sup>. *Tab. 108.*

P. foliis longè petiolatis, infimis medio petiolo auriculato-lobatis, caulinis  
altè cordatis, lobis superpositis, repandis glaberrimis, petiolis infernè margi-  
natis, supremis sagittatis brevè petiolatis, capitulis paniculatis.

*Lactuca? cernua. JACQUEM. Mss.*

HERBA perennis, 3-4 decimetr. glabra. CAULES 2-3 ex eodem rhizomate ligneo perpen-  
diculare fibrillis destituto ramulorum v. foliorum lapsorum cicatriculis notato erecti,  
simplices, tenuissimè striati, foliati, glaberrimi, herbaei, crassitie pennæ corvinæ. FOLIA  
longè petiolata, limbo 5 centimetr. longo, 3 circiter lato; infima medio petiolo pinnatim  
1-juga, lobis sessilibus, ovato-lanceolatis, obtusis, integris, v. rotundatis, repandis, lobo  
terminali cordato; caulina altè cordata, lobis ovatis, superpositis, repando-dentata, re-  
ticulato-venosa, membranacea, utrinque glaberrima, subtus glaucescentia, longè petiolata,  
petiolo deflexo, infernè plus minusve alato, supernè tereti, gracili, subattenuato; suprema  
subsagittato-cordata, irregulariter dentata, dentibus obtusis, brevè petiolata, petiolis dilata-  
tis. CAPITULA nutantia, paniculata, ramis inferioribus sæpiùs tricephalis, pedunculata, pedun-  
culis bracteis lineari-lanceolatis, acuminatis apice instructa. INVOLUCRUM cylindraceum, cali-



Boissier del.

Voyage de P. Saucy

*Pinguicula glomerata* L.